

ADMINISTRACIÓN LOCAL**PROVINCIAL****DEPUTACIÓN PROVINCIAL****Subvencións e axudas**

EXTRACTO DAS BASES REGULADORAS E A CONVOCATORIA DO PROGRAMA PROVINCIAL DE INFRAESTRUTURAS E DOTACIÓNS SINGULARES PARA A EXECUCIÓN DA AXENDA 2030 – PROGRAMA PON2030

EXTRACTO DO ACORDO NÚM. 2.7960 DO PLENO DA DEPUTACIÓN PROVINCIAL DE PONTEVEDRA, ADOPTADO NA SESIÓN EXTRAORDINARIA DE 6 DE MARZO DE 2023, NO QUE SE APROBAN AS BASES REGULADORAS E A CONVOCATORIA DO PROGRAMA PROVINCIAL DE INFRAESTRUTURAS E DOTACIÓNS SINGULARES PARA A EXECUCIÓN DA AXENDA 2030 – PROGRAMA PON2030

BDNS(Identif.):679906

De acordo co disposto nos artigos 17.3.b e 20.8.a da Lei 38/2003, do 17 de novembro, xeral de subvencións, publícase o extracto da convocatoria, cuxo texto completo se pode atopar na Base de Datos Nacional de Subvencións (<https://www.infosubvenciones.es/bdnstrans/GE/es/convocatoria/679906>)

Mediante o acordo núm. 2.7960 do Pleno da Deputación Provincial de Pontevedra, adoptado na sesión extraordinaria do 6 de marzo de 2023, aprobáronse as bases reguladoras e a convocatoria do Programa provincial de infraestruturas e dotacións singulares para a execución da Axenda 2030– Programa PON2030, publicadas e dispoñibles no Boletín Oficial da Provincia de Pontevedra (BOPPO) e na Sede electrónica da Deputación, <https://sede.depo.gal>.

Primeiro. Beneficiarios

Os concellos da provincia de Pontevedra cunha poboación de ata 50.000 habitantes, segundo a correspondente certificación expedida polo Instituto Galego de Estatística (IGE) referida á última actualización do censo, e nos que non concorra ningunha das circunstancias ou prohibicións ás que fai referencia a lexislación vixente en materia de subvencións.

Segundo. Obxecto

As actuacións terán que realizarse sobre elementos de titularidade municipal ou sobre bens, instalacións ou terreos nos que se acredite a titularidade ou, no caso de que se trate dunha Administración pública, poderá acreditarse a titularidade coa correspondente cesión, autorización ou concesión; non obstante, no caso dun suxeito xurídico privado, a cesión deberá ter carácter indefinido.



Será imprescindible que estas actividades ou servizos sexan, de forma real e efectiva, de competencia municipal.

As axudas e subvencións deste programa poderán destinarse ás seguintes tipoloxías de actuación, en consonancia co fondo estratéxico de fondos europeos:

1. Actuacións de tipo 1:

Rehabilitación de edificios e instalacións municipais para uso social, cultural, deportivo, turístico e de lecer, de infancia e mocidade, de atención a vítimas de violencia de xénero, de elementos de interese patrimonial e os destinados a uso institucional e administrativo, valorizando así os recursos locais xa existentes, con parámetros de innovación, sostibilidade, dixitalización e uso de enerxías alternativas. Mellora da eficiencia enerxética, da conectividade, da dixitalización e da accesibilidade para fomentar a igualdade de oportunidades entre o rural-urbano e garantir dereitos e servizos especialmente nas áreas de coidados de menores, cultura, deporte e dinamización social.

2. Actuacións de tipo 2:

Construción de novos equipamentos e dotacións, con edificios ou instalacións sostibiles e intelixentes, ademais de novas actuacións ambientalmente sostibiles para asegurar os servizos que impulsen a cohesión territorial, cos mesmos obxectivos/parámetros das actuacións de tipo 1.

Permitirase a realización de actuacións complementarias de saneamento, abastecemento ou calquera outra relacionada directamente coa xestión integral do ciclo da auga, cando sexan imprescindibles para asegurar a funcionalidade do elemento principal do novo equipamento.

3. Actuacións de tipo 3:

Recuperación, mellora, urbanización ou reurbanización de espazos públicos co obxectivo de darlles un uso plural, amable, e de fomentar a estancia e as mobilidades alternativas, na liña de cumprimento dos Principios Ágora, establecidos pola Deputación de Pontevedra na Rede de Concellos Ágora polo Espazo Público.

4. Actuacións de tipo 4:

Adquisición, posta en funcionamento do material necesario para dar cumprimento das obrigas e obxectivos determinados pola Lei 7/2022, de 8 de abril, de residuos e solos contaminados para unha economía circular, incluídos a súa instalación e repartimento, de ser o caso.



Martes, 7 de marzo de 2023

Núm. 46

Terceiro. Bases reguladoras

O procedemento de concesión e xustificación das subvencións que se outorguen no marco deste programa rexeráse polo disposto nas Bases reguladoras do Programa provincial de infraestruturas e dotacións singulares para a execución da Axenda 2030–Programa PON2030, e será de aplicación supletoria o contemplado na LXS.

Cuarto. Contía e aplicación orzamentaria

A cantidade prevista para o financiamento deste programa ascende a vinte e dous millóns (22.000.000,00) de euros, imputables á aplicación 2023/942.9420.762.74 do orzamento da Deputación Provincial de Pontevedra para o ano 2023.

Quinto. Prazo de presentación de solicitudes

O prazo de presentación de solicitudes é de corenta e cinco (45) días naturais, contados desde o día seguinte ao da publicación do extracto desta convocatoria no BOPPO e na BDNS.

Sexto. Forma de presentación de solicitudes

As solicitudes presentaranse obrigatoriamente na Sede electrónica da Deputación de Pontevedra, <https://sede.depo.gal>, de acordo co procedemento electrónico establecido para o efecto. Deberá acompañarse a documentación esixida conforme a base décima.

Se algún concello presentase a súa solicitude presencialmente, requiriráselle que a emende a través da súa presentación electrónica. Se tal emenda se efectuase fóra do prazo de presentación de solicitudes, limitarase á presentación electrónica do previamente entregado presencialmente, sen que sexa posible engadir outros documentos ou rectificar os xa achegados.

Sétimo. Outros datos

— Procedemento de concesión: concorrencia competitiva, conforme os requisitos e criterios establecidos nas bases quinta e sexta das reguladoras do programa

— Gastos subvencionables: os recollidos para cada liña na base oitava

— Compatibilidade: si

— Forma de pago: transferencia

— Forma de xustificación: mediante a achega de xustificantes de gasto, certificacións, facturas e demais documentación xustificativa, segundo o previsto na base décimo novena

— Prazo máximo de execución e xustificación: os investimentos deberán estar executados na súa totalidade o 30 de abril de 2025 e xustificarse no prazo de cinco meses desde a súa finalización, sen exceder, en todo caso, o 30 de setembro de 2025, de acordo co previsto na base décimo sexta

Pontevedra, 06/03/2023

A presidenta, María del Carmen Silva Rego

Pode verificar a integridade deste documento no seguinte enderezo:
<https://sede.depo.gal>
Código seguro de verificación:L3APO841NS42T5DD

